

ТЕЗКОР-ҚИДИРУВ ФАОЛИЯТИНИ АХБОРОТ БИЛАН ТАЪМИНЛАШ ВА ТЕЗКОР-ҚИДИРУВ ИШИНИ ЮРИТИШНИ ТАШКИЛ ЭТИШНИНГ АЙРИМ ЖИҲАТЛАРИ

Курбонбоев Шахзод Ёқубович

Ўзбекистон Республикаси ИИВ Академияси курсанти.

Аннотация

Мазкур мақолада тезкор-қидирув фаолиятини ахборот билан таъминлаш ва тезкор-қидирув ишини юритишни ташкил этишнинг айрим жиҳатлари, фаолиятни ташкил этишдаги асосий тушунчалар, мавжуд муаммолар, мамлакатимизда амалга оширилаётган ислоҳотлар ва бугунги кун талаби билан боғланган ҳолда акс эттирилади. Шунингдек, жиноятларни фош этиш фаолиятини ташкил этишда тезкор-қидирув фаолиятини ахборот билан таъминлаш ва тезкор қидирув ишларини юритишнинг аҳамияти ҳақида маълумотлар берилган. Калит сўзлар: Ички ишлар органлари, тезкор-қидирув фаолияти, ахборот билан таъминлаш, тезкор-қидирув иши, тезкор-қидирув тадбирлари.

Калит сўзлар: Ички ишлар органлари, тезкор-қидирув фаолияти, ахборот билан таъминлаш, тезкор-қидирув иши, тезкор-қидирув тадбирлари.

НЕКОТОРЫЕ АСПЕКТЫ ИНФОРМАЦИИ ДЛЯ НАУЧНО- ИССЛЕДОВАТЕЛЬСКОЙ ДЕЯТЕЛЬНОСТИ И ОРГАНИЗАЦИИ ОПЕРАТИВНО-ПОИСКОВОЙ ДЕЯТЕЛЬНОСТИ

Аннотация

В данной статье описаны некоторые аспекты организации оперативно-розыскных мероприятий, основные понятия организации деятельности, существующие проблемы в связи с проводимыми в нашей стране реформами и современными требованиями. Также была представлена информация о значении информационно-оперативных мероприятий в организации оперативно-розыскной деятельности.

Ключевые слова: правоохранительные органы, оперативно-розыскные мероприятия, информационное обеспечение, оперативно-розыскные мероприятия, оперативно-розыскные мероприятия.

SOME ASPECTS OF INFORMATION FOR RESEARCH ACTIVITIES AND ORGANIZATION OF RAPID SEARCH ACTIVITIES

Annotation

This article describes some aspects of the organization of operational and search operations, the basic concepts of the organization of activities, the existing problems in connection with the ongoing reforms in our country and today's requirements. Information was also provided on the importance of information and operational search activities in the organization of crime detection activities.

Keywords: law enforcement agencies, search operations, information support, search operations, search operations.

Мамлакатимизда мустақиллик йилларида амалга оширилган кенг кўламли ислоҳотлар миллий давлатчилик ва суверенитетни мустаҳкамлаш, хавфсизлик ва хуқуқ-тартиботни, давлатимиз чегаралари дахлсизлигини, жамиятда қонун устуворлигини, инсон хуқуқ ва эркинликларини, миллатлараро тутувлик ва диний бағрикенглик муҳитини таъминлаш учун муҳим пойдевор бўлди, халқимизнинг муносаб ҳаёт кечириши, фуқароларимизнинг бунёдкорлик салоҳиятини рӯёбга чиқариш учун зарур шарт-шароитлар яратди. Бугунги кунда Ўзбекистон Республикасида амал қилаётган 800 дан ортиқ қонун ва 19 та кодекслар ҳаётимизнинг хуқуқий асосини ташкил этади ҳамда кучли хуқуқий давлат ва фуқаролик жамиятини шакллантиришга хизмат қиласи. Айни вақтда, жамиятимизнинг кейинги ривожланиши янги қонунлар қабул қилиш, амалдаги қонунчилик хужжатларига қўшимча ва ўзгаришлар киритиш борасидаги ишларни давом эттиришни талаб қилмоқда. Бунга 2023 йилда қабул қилинган янги таҳрирдаги Ўзбекистон Республикаси Конститусияси мисол қилиб айтишимиз мумкин янги таҳрирдаги конститутсияга бир қатор ўзгаришлар боблар ва моддалар киритилди ушбу ўзгаришлар албатта инсон хуқуқлари, эркинликларини ва қонуний манфатларини мустаҳкамлаш ва химоя қилишга хизмат қиласи. Тезкор-қидирув фаолияти давлатнинг хуқуқни муҳофаза қилиш фаолияти сифатида жиноятчиликка қарши курашишнинг давлат-хуқуқий турларидан бири ҳисобланади ва унга юклатилган вазифаларни самарали ҳал этиш борасида маҳсус кучлар, воситалар ҳамда тезкор-қидирув тадбирларига эга эканлигини эътироф этиш лозим. Ўзбекистон Республикасининг Биринчи Президенти Ислом Каримовнинг 2010 йил 12 ноябрда Ўзбекистон Республикаси Олий Мажлиси Қонунчилик палатаси ва Сенатининг қўшма мажлисидаги маърузасида суд-хуқуқ тизимини ислоҳ қилиш ва янада либераллаштириш соҳасидаги устувор йўналишларни амалга ошириш тизимида бошқа қонун лойиҳалари

қаторида «Тезкор-қидирув фаолияти тўғрисида»ги Қонунни қабул қилиш таклиф этилган эди. Ушбу Қонун 2012 йил 25 декабрда қабул қилинди ва унинг амал қилиниши билан боғлиқ масалалар кўлами улканлиги эътиборга олиниб, у расмий эълон қилинган кундан эътиборан ўн икки ой ўтгач, яъни 2013 йил 25 декабря кучга кирди. Мазкур қонунга бир қатор ўзгартириш ва қўшимчалар киритилди. Жумладан, 2016 йилда 14,15,16,21-моддаларига ўзгартиришлар ва қўшимчалар, 2017 йилда эса 11-моддаси ҳамда 10-моддасига тегишли қўшимчалар киритилди. Ўзгартириш ва қўшимчалар киритишдан асосий мақсад шундаки жиноятчиликка қарши қурашиш учун тезкор-қидирув тадбирларини ўтказишида ошкоралик ва шаффофликни таъминлаш, фуқароларнинг ҳуқуқий онги ва ҳуқуқий маданиятини юксалтириш ҳамда тезкор ходимлар томонидан жиноятчиликка қарши қурашишда иш фаолиятини самарали ташкил этишдан иборатdir. Мазкур қонуннинг қабул қилиниши ҳозирги шароитда Ўзбекистонда ҳуқуқий-демократик давлат барпо этилаётганлигининг амалий ифодасидир, чунки тезкор-қидирув фаолиятининг асосий вазифа ва принциплари қонун даражасида тартибга солинди, фаолиятни амалга оширувчи органлар ҳамда уларнинг ҳуқуқ ва мажбуриятлари белгилаб қўйилди. «Тезкор-қидирув фаолияти тўғрисида»ги Қонуни қабул қилингандан сўнг, Ўзбекистон Республикаси ИИВ мазкур қонун талаблари бўйича ўзининг фаолиятини қайта кўриб чиқди. Бу борада мамлакатимизда очилмаган оғир турдаги, ноаёнликда содир этилган жиноятларни фош этиш ва жиноятларни олдини олиш бўйича тезкор-қидирув бўлинмалар фаолиятини самардорлигини оширишга хизмат қиласидиган норматив-ҳуқуқий хужжатлар қайта ишлаб чиқилди.

Қонун хужжатларини ўрганиш шуни қўрсатмоқдаки, тезкор-қидирув фаолияти уни амалга ошириш механизмини очмаган ҳолда қонун хужжатларида белгилаб қўйилган эди, жумладан Ўзбекистон Республикасининг Конституцияси (121-м.), Жиноят-процессуал кодекси (339, 382-мм.), Жиноят-ижроия кодекси (68-м.), Ўзбекистон Республикасининг «Прокуратура тўғрисида» (4, 8, 28 ва 31-мм.), «Терро-ризмга қарши кураш тўғрисида» (4-м.), «Адвокатлик фаолияти кафолатлари ҳамда адвокатларни ижтимоий ҳимоялаш тўғрисида» (7-м.), «Наркотик воситалар ва психотроп моддалар тўғрисида» (29, 39-мм.) ва бошқа норматив-ҳуқуқий хужжатларида ўз аксини топган. Ўзбекистон Республикаси Президенти Шавкат Мирзиёев раислигида 2017 йил 9 февраль куни ички ишлар органлари фаолияти, тизимда мавжуд муаммо ва камчиликлар, истиқболдаги вазифаларга бағишиланган видеоселектор йиғилишидаги нутқида «Ички ишлар органлари шундай ишлаши керакки, токи ҳалқ давлатдан рози бўлсин. Лекин айрим жойларда уларнинг фаолияти одамлар эътиrozига сабаб бўлмоқда. Айниқса мол-мулкка

жиноий тажовуз каби салбий ҳолатларга түлиқ чек қўйилмаган» деган танқидий фикрлар билдирилган эди. Фуқароларнинг ҳукуқлари, эркинликлари ва қонуний манфаатларини ҳимоя қилиш, жамоат тартибини сақлаш, шахс, жамият ва давлат хавфсизлигини таъминлаш, ҳукуқбузарликларнинг олдини олиш ва профилактикаси бўйича республикада яхлит ҳукуқий тизим яратилган бўлиб, унда ички ишлар органлари муҳим ўрин эгаллайди. Ўтган давр мобайнида ички ишлар органлари тизимини такомиллаштириш борасида кенг кўламли ишлар амалга оширилди. Айниқса, ички ишлар органларининг маҳаллаларда жамоат тартибини сақлаш, фуқаролар хавфсизлигини таъминлаш, ҳукуқбузарликлар профилактикаси ва жиноятчиликка қарши курашиш учун ташкил этилган қуйи бўғинини ривожлантириш ва мустаҳкамлаш бўйича салмоқли ишлар қилинди. Ўзбекистон Республикаси Президентининг 2017 йил 10 апрелдаги 5005-сон «Ички ишлар органлари фаолияти самарадорлигини тубдан ошириш, жамоат тартибини, фуқаролар ҳукуқлари, эркинликлари ва қонуний манфаатларини ишончли ҳимоя қилишни таъминлашда уларнинг маъсулиятини кучайтириш чор-тадбирлари тўғрисида»ги Фармонига асосан ҳамда ИИОлари жиноятларни ўз вақтида аниқлаш, олдини олиш қидирув ишларини амалга оширишни такомиллаштириш мақсадида Ўзбекистон Республикаси Ички ишлар вазирлиги ва унинг ҳудудий бўлинмаларининг тезкор-қидирув фаолияти самарадорлигини оширишда асосий йўналишлар ва муҳим вазифалар белгиланди.

Мазкур Фармон талабларидан келиб чиқиб, ички ишлар органларининг терлов, ҳукуқбузарликлар профилактикаси, тезкор-қидирув, эксперт-криминалистика, патруль-пост хизмати ва жамоат тартибини сақлаш, миграция ва фуқароликни расмийлаштириш, йўл ҳаракати хавфсизлиги, ёнгин хавфсизлиги бўлинмаларини фуқароларга тезкор ва сифатли хизматлар кўрсатиш ҳамда ҳукуқбузарликларни аниқлаш, барваqt олдини олиш ва фош этиш имконини берувчи замонавий ахборот-коммуникация технологиялари жорий этиш ишлари жадал олиб борилмоқда.

Хозирги кунда ички ишлар органлари тизимида амалга оширилаётган ислоҳотлар, жиноятчиликка қарши курашиш, унинг олдини олиш ва содир этилган жиноятларни «иссиқ изи»дан очиш ушбу соҳада хизмат қилаётган ҳар бир ходимдан ўз ишига янгича ёндашишни талаб этмоқда. Бунинг учун эса ходимлар олдига қўйилаётган асосий талаблар, аввало, ўз хизмат вазифасига вижданан ва сидқидилдан муносабатда бўлиш, қолаверса, жамиятнинг бугунги ривожидан келиб чиқиб, содир этилаётган жиноят турларининг ошиб бориши ва содир этилиш усулларининг такомиллашувини ўз вақтида аниқлаш ҳамда шунга мос тарзда қарши курашиш қобилияти ва кўникумларини шакллантиришdir.

Республикамизда жиноятчиликка қарши кураш сиёсати, ички ишлар органлари тизимида амалга оширилаётган туб ислоҳотларнинг мазмун-моҳияти ва уларга юклатилган вазифалардан келиб чиқиб: шахснинг ҳаёти, соғлиғи ва мулкига қарши қаратилган ҳамда терроризм ва экстремизм билан боғлиқ жиноятларнинг сабаблари ва содир этилишига имкон берган шарт-шароитларни ўз вақтида аниқлаб, уларнинг олдини олиш чораларини кўриш; бу турдаги жиноятларни изи совимасидан фош этиш; жиноятларни содир этишга тайёргарлик кўраётган ва унга дахлдор шахсларни аниқлаш, топиш; суриштирув, тергов ва суд органларидан яшириниб юрган, жиноий жазодан бўйин товлаётган, бедарак йўқолган шахсларни қидириш; ушбу жараёнда тезкор-қидириув фаолияти натижаларидан фойдаланиш; жамият ва давлат хавфсизлигига таҳдид солаётган шахслар, ҳодисалар, харакат (харакатсизлик)лар ҳақида ахборот тўплаш асосий вазифалардан бири бўлиб қолмоқда.

«Тезкор-қидириув фаолияти тўғрисида»ги Ўзбекистон Республикаси (2012 йил 25 декабрь) қонунининг 18-моддасида «тезкор-қидириув фаолиятини ахборот билан таъминлаш» ва «тезкор-қидириув ишини юритиш» тушунчалари таърифланган. Конунда тезкор-қидириув фаолиятини амалга оширувчи органларга зиммаларидағи вазифаларини бажариши учун тезкор-қидириувга мўлжалланган ахборот тизимларини яратиш ва улардан фойдаланиш хуқуки берилган. Маълумотларни тўплаш ва тизимлаштириш, тезкор-қидириув фаолияти натижаларини текшириш ва баҳолаш, шунингдек ушбу қонуннинг 15-моддасида назарда тутилган асослар мавжуд бўлганида улар асосида тегишли қарорлар қабул қилиш мақсадларида тезкор-қидириув ишлари юритилади. Тезкор-қидириув ишларининг рўйхати ва уларни юритиш тартиби қонун хужжатларида белгиланади.

Тезкор-қидириув фаолиятини амалга оширувчи органларнинг ахборот яратиш, уни тўплаш, ишлаш, жамлаш, сақлаш асосида ахборот ресурсларини шакллантиришга, бунинг учун ахборот технологиялари ва уларни таъминлаш воситаларини ишлаб чиқиш, мазкур технология ва русурслардан истеъмолчилар зиммаларига юклатилган вазифаларни бажаришлари учун ахборотни излаш ва хужжатлаштирилган тарзда уларга тақдим этишда фойдаланиш хуқуки мустаҳкамланган.

Юқоридагилар албатта тезкор-қидириув фаолияти вазифаларини самарали ва аниқ бажарилиши учун хизмат қиласи хамда тезкор-қидириув фаолиятини вазифаларини хал этишда катта ўзгаришларга сабаб бўлади хамда тезкор-қидириув ишида мавжуд камчиликлар бартараф этилади шунингдек фуқароларнинг хуқуқлари, эркинликлари ва қонуний маънфатларини, шахс, жамият, ва давлат манфаатларини химоя қилинишига катта хисса қўшади ва

уларни мустахкамлайди мазкур камиликлар бартараф этилса мамлакатимизда содир этилаётган жиноятларнинг олди олинади, ўз вақтида аникланади, фош этилмай қолган жиноятлар Тезкорлик билан фош этилади, қидирувда бўлган тергов, суд, органларидан яширинган ва жиноий жазодан бўйин товлаётган шахслар ўз вақтида ушланади хамда қонунга асосан жиноий жавобгарликка тортилади ва бу жазо муқарарлиги принципи мустахкамланишини таъминлайди.

ФОЙДАЛАНИЛГАН АДАБИЁТЛАР

1. Инсон манфаатларини таъминлаш учун аввало унинг хуқуқ ва эркинликлари, осуда ва фаровон ҳаёти ҳимоя қилинмоғи керак //Ўзбекистон Республикаси Президенти Шавкат Мирзиёев раислигига 2017 йил 9 февраль қуни ички ишлар органлари фаолияти, тизимда мавжуд муаммо ва камчиликлар, истиқболдаги вазифаларга бағишлиланган видеоселектор йиғилишидаги нутқи: www.aza.uz.
2. Ўзбекистон Республикасининг “Тезкор-қидирув фаолияти тўғрисида”ги қонунига шарх. Ўзбекистон Республикаси ИИВ Академияси, 2015.
3. Ўзбекистон Республикасининг 2016 йил 16 сентябрдаги “Ички ишлар органлари тўғрисида”ги ЎРҚ-407-сон қонуни. (<https://lex.uz>).
4. Ўзбекистон Республикасининг 2016 йил 25 апрелдаги «Ўзбекистон Республикасининг айrim қонун хужжатларга ўзгартириш ва қўшимчалар киритиш ҳақида» ги 405-сон Қонуни// Ўзбекистон Республикаси қонун хужжатлари тўплами. – 2016. – №17. – 173-м.
5. Ўзбекистон Республикасининг 2017 йил 6 сентябрдаги «Суриштирув институти такомиллаштирилиши муносабати билан Ўзбекистон Республикасининг айrim қонун хужжатларга ўзгартириш ва қўшимчалар киритиш ҳақида» ги 442-сон Қонуни// Ўзбекистон Республикаси қонун хужжатлари тўплами. – 2017. – №36. – 943-м.
6. Ўзбекистон Республикасининг 2017 йил 16 октябрдаги «Ўзбекистон Республикасининг айrim қонун хужжатларга ўзгартириш ва қўшимчалар киритиш ҳақида» ги 448-сон Қонуни // Ўзбекистон Республикаси қонун хужжатлари тўплами. – 2017. – №126. – 17-м.
7. «Ички ишлар органларининг фаолияти самарадорлигини тубдан ошириш, жамоат тартибини, фуқаролар хуқуқлари, эркинликлари ва қонуний манфаатларини ишончли ҳимоя қилишни таъминлашда уларнинг масъулиятини кучайтириш чора-тадбирлари тўғрисида»ги Ўзбекистон Республикаси Президентининг ПФ-5005-сонли фармони // Ўзбекистон Республикаси қонун хужжатлари тўплами. – 2017. – №15. – 243-м.
8. Ўзбекистон Республикаси Президентининг 2017 йил 7 февралдаги 4947-сон «Ўзбекистон республикасини янада ривожлантириш бўйича ҳаракатлар стратегияси тўғрисида» ги Фармони www.lex.uz
9. Lex.uz «Ўзбекистон Республикаси қонунчилиги маълумотларининг миллий базаси» излов тизимидағи маълумотлари бўйича тайёрланди.